

Yamqdin haeuj douhouq(fuengz)
Bawxmoq fouq aen gya
Song vunz bi doxhab
Ndei lumj bya caeuq raemx

抬脚跨进新房门
新娘命贵旺家人
男才女貌很班配
鱼儿伴水不离分

Enters the chamber the bride
In her, all family take pride
They're ideal pair we wish
Like the water and fish

Gang fan riep neix dauq
Caizbauj rim aen gya
Ngoenzneix baenz gvanbaz
Doxgyaez daengz daraiz

蚊帐轻轻挂起来
又有钱来又有财
今天结成夫妻后
恩爱百年不分开

Hang up the wedding net
Mountains of gold they'll get
After the wedding day
Never part hope they may

Hoh Aeubawx

贺新婚

Ballad on Wedding Manners

□ 何建水 王长宇 杨洋 何丹 张明 韦婧

Beiq bak denz doxhaeuj
Mbwk roxnaeuz lwgsai
Lwglwg lingz youh gvai
Miz caiz youq ndaw dungx

被子口朝内铺开
生了女孩或男孩
个个聪明又伶俐

长大都是栋梁材

Lay quilt opening backward
Kids come with stork bird
Bright and brilliant they grow
As state's pillars tomorrow

Song swiz bingzbaiz dwk
Seng saimbwk hix gvai

Haemhneix hoemq denzraiz
Byai faex giet lwgmak

一双枕头放平排
生儿生女个个乖
今晚若是盖花被
树枝悄悄结果来

Lay the pillows side by side
Each youngster be her pride
Colorful quilt they enjoy
Quietly bears fruit in joy

Lwgmwbk lengj youh gvai
Seng lwgsai hix singj
Bouxboux cungj coengmingz
Majhung dingh baenzcaiz

生是女孩靓又乖
若是男孩长得帅
子女个个都伶俐
长大全都是人才

May each girl be cute,
Each boy be genius
We can surely foresee
Senior personnel they'll be (sat)

Haenh Byagim Bya'ngaenz

赞金山银山

□ Suh Dasingh / 苏大星

Sai:
Ranz beix youq mbanj gwnz
Liz mbwn sam cik haj
Raemxrij heux doeng dah
Doh bya mwncumcum

Mbwk:
Ranz nuengx youq mbanj laj
Bangx dah ndei ndaem naz
Daengz seiz doengh hai va
Cingj daegbeix ma cimz

Sai:
Beix ndaem faex cauh ndoeng
Guh goeng vih laj mbanj
Ciuhvunz lae lwedhanh
Hawj lwglan yiengfuk

Mbwk:
Nuengx doiq geng boiz ndoeng
Ei cojcoeng gwndaenj
Swngldai aeu cagaenj
Caez miz faenh gensez

Sai:
Raeuz yawjnaek vanzbauj
Mbouj hawj gauj buqvaih
Aeu mbaet naengz gemj baiz
Laeb swngldai vwnzmingz

Mbwk:
Byaijgwnz roen biq myaiz
Luenh gveng gaiq nyapnyaj

Miz uq lae roengz dah
Gwn ma bingh haeuj ndang

Sai:
Raemxrij sawdikdik
Dahnuengx lig lumj sien
Mbouj haengj youq gwnz dienh
Nyienh roengz biengz guh bawx

Mbwk:
Gocoengz sang youh soh
Daeggo mbauq youh gvai
Bobaq caez ndaemndai
Maij beixsai vunz gaenx

Sai:
Bya heu dwg byagim
Raemx loeg rim bya'ngaenz
Daihgya caez miz faenh
Doh biengz haenh dieg raeuz

Mbwk:
Bya caeuq raemx doxlienx
Nuengx yien fwngz beix byaij
Song dou sim doxmaij
Byaij haeuj ndwenngoenz ndei

Hab:
Faex mwn bya couh heu
Deih seuq raemx couh loeg
Gim ngaenz baih dou doek
Goek mboq raemx mbouj dingz



Son gyoengq cejnuengx siuqva.

Liuz Feih ingj

Gangj Lenzgez

讲廉洁

□ Yenz Giuj / 严九

Lenzgez lumj dujva,
Hom gvaq bya neix daeuj;
Fujbai lumj mak naeuh,
Haeu ndaej bouxboux ndaq.

廉洁就像朵鲜花,
香气阵阵满山崖;
腐败就像烂果子,
臭不可闻人人骂。